

AKCIJA CD Velika akcija pripadnika SIPA-e i francuske policije Petnaestero uhapšeno zbog trgovine Romima

Klan koji je predvodio Elvis Salčinović sumnjiči se za pribavljanje dva miliona eura krijumčarenjem žena i djece koja su iskorištavana za džeparenje

Pripadnici Državne agencije za istrage i zaštitu (SIPA) jučer su u šest sati izveli međunarodnu policijsku akciju kodnog naziva CD. Prema potvrđenim informacijama, akcija je provedena u saradnji s policijskim organima Francuske i trajala je više od šest sati, što je rezultiralo hapšenjem sedam osoba u BiH i osam u Francuskoj.

Mozak aktivnosti

U BiH je akcija provedena na području Zenice, Vlasenice, Prijedora i Jajca, a pretreseno je ukupno devet lokacija prema naredbama Suda i Tužilaštva BiH. Kako saznajemo, uhapšeni su Elvis Salčinović (39), koji je bio mozak svih aktivnosti ove kriminalne grupe, te njegovi sinovi Denis i Toni (24) Hamidović. U saopćenju SIPA-e navedeni su i inicijali uhapšenih L. H., N. D., B. T. i E. H. Svi su osumnjičeni da su počinili krivično djelo organizirani kriminal u vezi s krivičnim djelom trgovina ljudima u svrhu radne eksploatacije.

Sumnjiče se da su od 2012. godine vrbovali više ženskih osoba na način da su s njima stupali u vanbračne zajednice i organizirali njihove odlaske na područje Francuske, a potom ih putem ucjena, prijetnji, zlostavljanja, zlostavljanja i drugih vidova fizičkog i

psihičkog nasilja primoravali da vrše krivična djela džepne krađe na području Francuske i šire i dostavljaju im novac koji pribave na taj način. U pojedinim slučajevima žrtve su bila i djeca. Žrtve su bile pod stalnom kontrolom te izložene svakodnevnom fizičkom i psihičkim maltretiranju od počinilaca krivičnih djela da bi pribavile što veću količinu novca. Procjenjuje se da su osumnjičene osobe svojim nezakonitim aktivnostima stekle protupravnu imovinsku korist u iznosu većem od dva miliona eura, koji su kupovinom nekretnina u BiH i luksuznih vozila ubacivali u legalne novčane tokove ili trošili na luksuzan način života - saopćili su iz SIPA-e.

Među uhapšenima je i Nedeljko Dakić Bačo iz Prijedora, koji je hapšen 2013. godine u akciji kodnog naziva "Baltika". U toj akciji je hapšen i Draško Papak, tadašnji načelnik Odjela kriminalističke policije u Prijedoru, zbog sumnje da je pomagao osobama iz kriminalnog miljea te za to dobivao novac i vrijedne poklone. On je pao tokom istrage protiv osoba koje se dovode u vezu s ubistvom Irene Predojević.

Uhapšeni se sumnjiče i za krivična djela pranje novca, krivotvorenje isprava, krijumčarenje osoba, zloupotreba droga i slično. U jučerašnjoj raciji u Zenici na

tri lokacije učestvovali su i francuski policijski istražitelji i tužioci, a primjetno je bilo i prisustvo francuskih TV ekipa.

U Zenici su pretresene dvije kuće porodice Salčinović-Hamidović u Lukovom Polju te stan u ulici Marjanovića put. Zatečeno je dvadesetak maloljetnih osoba čiji identitet nije bilo moguće utvrditi, kao ni starije, te će one, u koordinaciji s Centrom za socijalni rad i drugim nadležnim organima, biti zbrinuta kao potencijalne žrtve trgovine ljudima.

Pokušaj bijega

Tokom jučerašnje akcije pripadnici SIPA-e bili su okruženi sa dvadesetak mališana romske nacionalnosti, koje su jedva održavali "na broju", jer su nestajali svakih nekoliko sekundi u komičnim situacijama. Bilo je i dramatičnih i histeričnih pokušaja navodnih staratelja djece koje su pokušavale onemogućiti saslušanje i uzimanje podataka, ali i pokušaja bijega policajcima i istražiteljima. Za vrijeme pretresa istražitelji su iznijeli zamotane predmete koji su podsjećali na duge cijevi, ali nije saopćeno o čemu se radi.

Iz Centra za socijalni rad Zenica potvrđeno nam je da su uključeni u zbrinjavanje

više maloljetnih osoba, ali da, prema nalogu SIPA-e i Tužilaštva, ne mogu govoriti o broju i lokacijama na koje su izmještena pro-nađena djeca.

Akciju je proveo zajednički dvadeseteročlani istražni tim koji je prvi put formiran, a u čiji rad su bili uključeni predstavnici tužilaštva BiH i Francuske, te istražitelji SIPA-e i Odjela za maloljetnike Policijske prefektуре Paris, koji su više mjeseci provodili zajedničke istražne radnje na području dviju država. Za potrebe rada istražnog tima u Parizu je više mjeseci boravio istražitelj SIPA-e, policijski oficir za akciju je podržala i Evropska asocijacija tužilaca EUROJUST. A. DZONLIC

Osmero uhapšenih u Francuskoj

U okviru jučerašnje koordinirane akcije na području Francuske uhapšeno je osam osoba i izvršeni su pretresi objekata na više lokacija te je zbrinut određen broj potencijalnih žrtava trgovine ljudima s područja BiH, kazali su iz SIPA-e.

Page: 17

Reach: 50000

Country: BOSNIA AND HERZEGOVINA

Size: 806 cm2

2 / 2




Djeca se vrtila oko pripadnika SIPA-e koji su vršili pretres objekta porodice Hamidović



Privođenje jednog od osumnjičenih



Djeca se bili zbrinjena kao potencijalne žrtve trgovine ljudima



Pretres trajao više od šest sati

Raskalašeni život

Raskalašeni život Hamidovića iz Lukovog Polja bio je poznat Zeničanima, a ispred kuća koje su kupili nakon navodnog protjerivanja iz EU uvijek

su bili parkirani novi modeli Audiya, BMW-a, pa i superluksuzni Hamer. Nekoliko članova ove porodice već je hapšeno zbog nasilničkog ponašanja,

saobraćajnih prekršaja i "divljanja" po gradu. Zbog trgovine maloljetnom djecom privođeni su i prije dvije godine, ali su ubrzo bili pušteni.